

兵部則例



兵部則例

武選清吏司

恩卹

一封贈順治初年定滿漢武職恭遇

恩詔一品至五品給

誥命六品以下給

勅命各官品級均以

詔下之日為定八旗武職由都統等造冊駐防官由

將軍等造冊綠旗營武職由督撫提鎮造冊咨

部覈明給以封典滿漢公侯伯均封光祿大夫



公妻。封爲公妻一品夫人。侯妻。封爲侯妻一品夫人。伯妻。封爲伯妻一品夫人。仍分別一二三等。八旗一品官。封光祿大夫。妻封一品夫人。二品官。封資政大夫。妻封夫人。三品官。封通議大夫。妻淑人。四品官。封中憲大夫。妻恭人。五品官。封奉政大夫。妻宜人。六品官。封承德郎。妻安人。七品官。封文林郎。妻孺人。八品官。封修職郎。九品官。封登仕郎。綠旗營武職。正從一品官。封榮祿大夫。妻一品夫人。正二品官。封驃騎將軍。從二品官。封驍騎將軍。妻均封夫人。正三品官。封

昭勇將軍。從三品官。封懷遠將軍。妻均封淑人。正四品官。封明威將軍。從四品官。封宣武將軍。妻均封恭人。正五品官。封武德將軍。從五品官。封武畧將軍。妻均封宜人。正六品官。封昭信校尉。從六品官。封忠顯校尉。妻均封安人。○五年議準。一品官。封贈三代。

誥命四軸。二三品官。封贈二代。

誥命三軸。四五品官。封贈一代。

誥命二軸。六七品官。封贈一代。

勅命二軸。八九品官。止封本身。

勅命一軸○九年議準。官弁緣事革職者。追奪

誥勅。婦人因夫與子受封者。不許再嫁。違者追奪

誥勅。照律治罪。受封官妻。因夫亡歸母家者。準其父

母領回。繳還

誥勅○十年議準。已經題封各官。有將姓名履歷遺

漏錯誤。親身檢舉求增改者。準揭內閣撰給○

又題準。受封各官。曾祖父母。祖父母。父母。曾犯

十惡姦盜除名等罪。及經考察。並緣婪贓革職

者。不準封。其妻非禮聘正室。或係再醮。及娼優

婢妾。概不準封。○十六年議準。

詔後緣事革職。及軍政降調者。不準封贈。○又題準。

為人後者。應封繼祖父母。父母。如繼祖父母。父

母。已經受封。願將本身及妻室封典。貤封本生

父母者。準其貤封。○康熙元年議準。受封各官。

未領

誥勅。又遇

恩詔。請改新銜者。不必具題。揭送內閣改給。已領者。

交還原軸。亦準改給。○三年題準。八旗武職封

典。舊隸吏部。今改歸兵部職掌。其品官封號。仍

用文銜。○六年議準。八旗世爵。年幼未上

朝者不封。丁憂患病候補各官不在見任者不封。
綠旗營外委千總不封。

詔後致仕病故官準照原官封贈。○八年議準應封

武職各官祖父母品級大於子孫者祖與父祖

母與母各照祖父原官封贈。祖父係文祖父職移咨吏部

品級小者各照子孫官封贈。父母有兩子當封

者亦從其品大者封。命婦因子孫品級受封並

加太字。若已故及曾祖祖父在者不加。○又題

準襲伯叔之爵者準封贈伯叔父母。襲祖爵者

仍封贈其父母。凡封母者止封適母生母。繼妻所生

子謂其母曰生母繼母不準受封。適母在所生母不得

並封。庶母曰所生子謂其母適母歿準封。若適母已受

封所生先歿者準其追贈。父官大於子者適母

以父官封。所生母以子官封。封妻者止封正妻

一人。正妻未封而歿應封繼妻者。正妻準追贈。

繼妻止封一人。○九年議準。

詔後緣事革職後經還職者準給封贈。○十四年議

準受封官將

誥勅質當者革職如收藏不慎以致蠹蝕損傷或破

壞汚染者均罰俸六月。其因水火盜賊燬失者

免議。均準題請補給。○十六年題準。受封官因軍機獲罪。及貪贓革職者。所給

誥勅。均追奪。若祖父原有官。未經受封。後因子孫封贈者。不追奪。其因公呈誤革職者。止追奪本身。○二十七年奏準。各官受封。每任內止封一次。如受封後改任者。照所改之職封贈。升職加銜者。照升職加銜封贈。其受封之後。並未升轉者。雖有加級。不準重封。八旗武職。升轉在

詔前者。不分已未到任。均準封贈。綠旗營武職。不在此例。○四十二年議準。因公呈誤革職官。原領

誥勅。免其追奪。○雍正二年奏準。綠旗營正七品官。

封奮力校尉。妻封孺人。○二年覆準。適母。繼母。

生母。準其並封。其四品以下。應封父母及本身。

妻室各官。有願將本身妻室封典。馳封祖父母。

者。準其馳封。二三品官。馳封曾祖父母者。請

旨定奪。○又議準。八九品官。止封本身。不封妻室。如

願將本身封典。馳封父母者。準父母並封。八品

官母。封八品孺人。九品官母。封九品孺人。○十

三年十月

諭。朕登極恩詔內。凡內外滿漢官。自一品至九品。均

予封贈所以錫類敷恩。遂臣子顯揚之願。勵移孝作忠之風也。舊例丁憂官不得均邀封典。朕思丁憂之人乃恪遵朝廷定制。自盡其為子之情。與廢黜在家告假回籍者不同。况在任守制者皆得沾恩。而丁憂之人反不邀恩以榮顯其親。情既可憫。而理亦未協。著該部各按其原官品級一并給與封典。以成孝思。欽此。○又

諭。凡官員丁憂守制者。遇有恩詔。例不準封。朕前已降旨加恩。給與封典。其養親回籍之人。皆因父母年高。棄官歸養。幸逮親存。適逢曠典。而亦格於成

例。不得請封。情屬可憫。著將回籍終養人員。照原官品級一并給與封典。遂其孝思。欽此。○乾隆元年奏準。各省額設提塘。由武進士遴選充補者。準予封贈。○又覆準。升遷卓異薦舉各官。恭遇恩詔之日。已離原任。未到新任者。均照原官品級給予封典。○七年議準。八旗休致官。恩準食俸者。照原官封贈。

一土司封贈。康熙二十七年議準。土司各官請封。各督撫覈明具題。各按品級準予封贈。
一廕叙。順治年間定。凡遇

恩詔錫廕領侍衛內大臣內大臣都統民公侯伯子男前鋒護軍步軍各統領副都統鑾儀使散秩大臣外省將軍都統副都統提督總兵官及加一品銜管副將事都督僉事管副將事副將管副將事者各廕一子入監讀書其廕監生未仕而歿或病廢者準其補廕補廕之後又歿及病廢者不準再補○十八年議準凡應廕各官不在見任者不準予廕○康熙三年議準凡廕子入監必以適長子如無適長子或有而病廢及有別項職事則廕適長孫無適長孫則廕次子

次孫無次子次孫則廕期親兄弟及期親兄弟之子孫無親兄弟及親兄弟子孫則遞及於功服總麻兄弟及功服總麻兄弟之子孫均按其倫序以次承廕該管官取具承廕之今年貌姓名文冊及親供印結送部題廕得旨後給以執照○十年題準承廕子孫詔前所生者準廕

詔後所生及族派疎遠者不準廕若本官曾遇恩詔已送子入監讀書後經升任又遇恩詔欲改廕者未任監生準其改廕其先得

恩監準其別送一子入監讀書。至本官先遇恩詔。廕子後緣事革職。其所廕之子未仕。停止。已仕者不停止。本身尚有微職。及世爵者。所得廕生亦不停止。廕監生於承襲之後。別授他職。及中科目者。不準補廕。○又題準。八旗廕監。必開明履歷。送部察覈。有因叛逆牽連革職。及永不叙用者。皆不準廕。○雍正元年議準。廕監生十五歲以上者。送國子監讀書。二十歲以上者。咨送吏部。分給各部學習。有呈請願在武職行走者。照所得廕生品級。隨旗行走。外省各官廕生監

生。有願在家讀書者。該衙門奏

聞。仍報部注冊。○又覆準。武官將不應廕監之人。送

為廕監。或廕監已經襲爵。復行補送廕監。或將年歲未滿廕監生。捏稱年滿咨送者。均罰俸一年。該管佐領。驍騎校。各罰俸六月。叅領。副叅領。各罰俸三月。都統。副都統。各罰俸兩月。○二年議準。八旗游牧察哈爾。應得廕監生。一例準廕。有願在武職者。準照品級食俸。○乾隆四年奏準。補廕監生。亦照承廕例。準以

詔前所生子孫題廕。又

詔後革職官復還原職者仍準還廕其別授他職者不論品級大小均準還廕凡還廕時原廕之人別無事故者仍給原廕人如殘廢病故或別經出仕中式者準其將

詔前所生子孫題請承廕○五年議準奉天黑龍江寧古塔及遊牧察哈爾廕生除情願來京者令其隨旗行走外其不願來京者準其在本處行走仍令各該官管轄稽察各省駐防廕生不得援以爲例○七年議準八旗廕監有不能以次承廕者聲明情由準其選子承襲其承繼之子

孫覈明承繼月日在

詔前者準予題廕在

詔後者不準

一陣亡官卹典順治初年定八旗陣亡各官應得贈廕由部開列官階移咨吏部按品贈爵予廕應得祭葬移咨禮部照例議給○康熙十三年題準綠旗營武職陣亡均給以加贈提督總兵官各加贈三級副將叅將各加贈二級遊擊都司守備各加贈一級應得祭葬行文禮部議給○雍正十二年議準綠旗營武職陣亡給廕

向例三品以上。均廕以守備。四品至把總。均廕以衛千總。似無區別。應將陣亡之提督。總兵官。廕子弟一人。以都司用。副將。叅將。遊擊。廕子弟一人。以守備用。都司。守備。廕子弟一人。以衛千總用。千總。把總。廕子弟一人。以把總用。○又議準。陣亡各官。應得難廕。或因子殘廢。不能承襲。其孫雖生於題廕之後。該督撫將未經請廕緣由。覈實聲明。取地方官印甘各結送部。準其補廕。○乾隆十四年覆準。武職陣亡。自提督至守備。皆有加贈。惟千總。把總。並無加贈。同一捐軀死節。

應一例優卹。以勵戎行。千總。把總。陣亡者。照守備例加贈一級。

一故官卹典。順治年間定。內大臣。將軍。都統。前鋒護軍各統領。副都統。散秩大臣。並休致一二品官病故。具有遺本。奉

旨。交部察例具奏者。移咨禮部議卹。無遺本者。據咨轉行。○九年議準。提鎮任滿三年。勤勞死事者。均準加贈一級。請

旨定奪。其未經任滿及休致後病故者。不準加贈。移咨禮部議給祭葬。○康熙三年議準。提鎮病故。

未經奉

旨察例具奏者。其加贈祭葬。均無庸議。如奉

旨交部議奏者。由部覈明該提鎮任滿三年。有無降
罰之案。逐一叙明。應否加贈。題請

欽定。副將充提督總兵官。贈署都督僉事。署都督僉事
充提督總兵官。贈都督僉事。都督僉事充提督總
兵官。贈署都督同知。署都督同知充提督總兵官。
贈都督同知。都督同知充提督總兵官。贈右都督。
右都督充提督總兵官。贈左都督。○雍正二年題
準。左都督充提督總兵官者。無可加贈。其奉

旨交部議卹者。由部將應否加贈官保之處。恭請

欽定。○乾隆十八年議準。凡武職加銜。均行停止。其
故官應得加贈。並準其加一級。

一卹賞陣亡官兵。順治初年定。出征陣亡八旗
官兵。各給卹賞。都統。一等子。賞銀千二百兩。二
等子。千五十兩。三等子。千兩。一等男兼一雲騎
尉。九百五十兩。前鋒護軍各統領。副都統。一等
男。九百兩。二等男。八百五十兩。三等男。八百兩。
一品官。不管兵者。如之。叅領。一等輕車都尉兼
一雲騎尉。七百五十兩。一等輕車都尉。七百兩。

二等輕車都尉。六百五十兩。三等輕車都尉。六百兩。王府長史。照三等輕車都尉例。二品官不管兵者亦如之。騎都尉兼一雲騎尉。五百五十兩。騎都尉。五百兩。不管兵輕車都尉。品級官如之。佐領。四百五十兩。雲騎尉。四百兩。貝勒。司儀長。不管兵騎都尉。品級官如之。散秩官。三百五十兩。雲騎尉。品級官如之。護軍校。驍騎校。六品官。二百五十兩。七品官。二百二十兩。護軍領催。及執纛人。二百兩。驍騎。百五十兩。委署護軍統領。副都統。叅領。散秩官。或世爵小。及無世

爵者。各照本身應得陣亡卹賞外。再加銀五十兩。礮手。百三十兩。各部通事。滿洲蒙古隨役。并滿洲家下漢人充棉甲兵者。均百兩。漢隨役。七十兩。○又定八旗兵丁陣前被傷者。分別等第給賞。一等傷給銀五十兩。二等傷四十兩。三等傷三十兩。四等傷二十兩。五等傷十兩。若被遠礮中傷者。一等至四等。各遞減十兩。五等減五兩。滿洲蒙古隨役陣前被傷者。一等傷給銀三十兩。二等傷二十兩。三等傷十兩。四等傷五兩。五等傷二兩。五錢。各部通事。并滿洲家下漢人

充棉甲兵者均照此例。若被遠礮中傷者一等傷給銀二十兩。二等傷十兩。三等傷七兩。四等傷五兩。五等傷二兩。五錢。向敵人發礮。被火藥誤傷者。照隨役被傷例。漢隨役人陣前被傷。一等傷給銀二十一兩。二等傷十有四兩。三等傷七兩。四等傷四兩。五等傷二兩。被遠礮中傷者亦如之。○又定出征被傷殘廢之人。除照陣亡卹賞例減半給賞外。其雙目不見。或兩手不能展動。或兩足不能行走。及聲啞者。加銀三十兩。若傷一目。或兩目。或一手不能展動。或一足不

能行走。或兩耳聾者。加銀十兩。若手有一二指不能屈伸。難以持弓。或足癢。或齒折一半。言語不清者。不加。至傷手一二指。尚能持軟弓。或傷足未癢。或折傷三四足指。或折三四齒。或一耳聾者。照陣亡卹賞減半例。再減銀十兩。凡此等傷。均令該旗都統副都統。取具佐領驍騎校保結。叅領印結。驗明。由部分別具題。照例給賞。○十二年議準。八旗兵遠方出征。除陣亡外。有不服水土病故者。卹銀二十兩。○康熙十三年題準。綠旗營陣亡官兵。各給卹賞。提督賞銀八百

兩。總兵官。七百兩。副將。六百兩。叅將。五百兩。游擊。四百兩。都司。三百五十兩。守備。三百兩。守禦所千總。二百五十兩。衛千總。二百兩。營千總。百五十兩。把總。百兩。馬兵。七十兩。步兵。五十兩。其官兵在陣受傷者。分別等第。給以卹賞。一等傷。賞銀三十兩。二等傷。二十五兩。三等傷。二十兩。四等傷。十有五兩。五等傷。十兩。○十七年題準。鄉勇及土兵。助戰陣亡者。照步兵例減半給賞。陣前受傷者。照各等第減半給賞。○二十二年題準。出征病故文武各官。三四品者。賞銀五十

兩。五六品者。賞銀四十兩。七品以下。賞銀三十兩。○又定。出征病故官兵。骸骨歸旗。準其入城。○三十二年奉

旨。凡在軍前受傷殘廢兵丁。雖給一半陣亡卹賞。但不得錢糧。難以生理。伊等雖不能執弓。猶可行走。著以看守南苑倉庫等處兵丁補用。其曾為護軍校。驍騎校。猶可行走者。著以各館廐長牧副補用。○乾隆五年

諭。該覽兵部纂修則例。內稱從前進藏出兵之官。及受傷病故官兵。所有豫借之銀。免其追還。係出特

恩未便纂為成例等語。朕思兵丁捐軀行陣。情實可憫。其豫借之銀。理應豁免。若必特降諭旨。恐其中不無一二遺漏。著為定例。凡遇此等事。該部即援例請免。則恩卹之典。可垂永久矣。欽此。○六年奏準。外委官陣亡。照把總例給銀百兩。○又議準。陣亡。及在軍前受傷病故兵丁。應得卹賞。如無親屬承受者。給銀二兩。該督撫提鎮委官致祭。○七年覆準。出征病故各官。一二品提鎮。皆有遺本。應否卹賞。向係候旨遵行。至三品以下等官。定例載有賞卹之條。惟二

品副將出征病故者。獨無卹賞。未免遺漏。嗣後副將出征病故者。準照三四品例。賞銀五十兩。一卹賞休退官兵。順治年間定八旗武職乞休。二品以上。具疏自陳。三品以下。在京由都統奏請。在外由將軍等具題。交部覈覆。○又議準。老病乞休各官。年六十以上者。按其効力年分。題請。

賞給半俸。未至六十者。不準。○雍正元年奉

旨。國家保障封疆。惟武臣是賴。叅將以上。責任尤重。其年老有疾。不能料理。以致營務廢弛者。自難姑容。但

謹按現今準噶爾平定大兵凱旋所有已前兩路

命將頒給

勅印及成功報捷祇告

天地

宗

社將來大軍凱旋勞師獎功

賜燕賞賚獻俘受俘一應典禮俟各處藁案送到之

日一一按年叙入一并增入禮部軍禮合并聲

明謹

奏

聖

後叅

將從

篤念

明曾

並未

丁曾

退伍

詳覈

均每

行走

貫如

者每

給養

報部

未至

有病

傷殘年老退伍者本人鞭一百草退該管佐領

兵部則例

卷

其間或有久任戎行。曾著勞績者。情亦可憫。嗣後叅將以上。有老疾之人。該督撫提鎮。照例題叅。仍將從前行間効力之處。覈明奏聞。朕酌量加恩。以示篤念舊勞之意。○乾隆二年奏準。老病乞休各官。覈明曾出征臨陣受傷。得有功牌者。請

旨令其原品休致。給以全俸。以養餘年。其出征並未禦敵及無功牌者。請

旨令其原品休致。給以半俸。○又議準。八旗兵丁。曾在軍前得過軍功。後因患病退伍。或傷殘退伍。及六十歲以上。年老退伍者。交該都統等詳覈

驗實。無論有無房產。及子孫見在食餉者。均每月給銀一兩。米一斛。以養餘年。若在軍前行走。並未出戰。立有軍功者。亦交該都統等覈實。如該兵既無房產。又無子孫食餉。無可倚藉者。每月給銀一兩。以養餘年。

盛京等處駐防兵。止準給銀。不給米。以上應給養贍之退伍兵丁。由各都統將軍副都統等報部。由部每月彙奏。若未經効力。捏飾咨送。及未至衰頹。尚堪充伍之人。希圖坐食錢糧。捏稱有病傷殘。年老退伍者。本人鞭一百。革退。該管佐領

驍騎校。罰俸六月。不行詳察之叅領。協領。罰俸三月。都統將軍副都統。罰俸一月。○又議準。綠旗營兵丁。曾經行間効力。後因年老辭退。並無子孫食糧。該督撫察明實係不能養贍者。報部準給守糧一分。以養餘年。○又議準。八旗兵陣亡。及傷廢亡。故人之妻子。家無養贍者。該叅佐領驍騎校具結。送都統咨部。每月準給一半銀米。保送不實者。佐領驍騎校。罰俸三月。叅領。罰俸二月。都統副都統。罰俸一月。○又議準。綠旗營兵丁。曾經出征効力身故之後。其子幼弱。不

能充伍者。月給銀五錢。若親老妻寡無子者。月給米三斗。

一旗員親隨兵名糧。原定滿洲都統給親隨兵糧八名。蒙古漢軍都統六名。前鋒護軍各統領五名。民公四名。侯伯滿洲副都統三名。蒙古漢軍副都統領侍衛內大臣大學士尚書左都御史。子均二名。侍郎副都御史學士通政使大理寺卿詹事王府長史前鋒護軍驍騎各叅領男佐領均一名。○康熙六年覆準。領侍衛內大臣給親隨兵五名。內大臣二名。○十八年覆準。散

秩大臣給親隨兵一名。○雍正元年議準。領侍衛內大臣。職任綦重。應照滿洲都統例。給親隨兵八名。前鋒護軍各統領。有管轄兵丁之責。應照蒙古漢軍都統例。給六名。每親隨兵一名。給餉三兩。每名每年給米十二石。每石折銀一兩。於領米時給發。○又議準。步軍統領。給親隨兵糧九名。步軍翼尉四名。協尉三名。副尉捕盜官二名。步軍尉一名。均於額設步軍內撥給。○十一年議準。旗員議給親隨兵。均有定額。如有額外多占者。照虛冒兵糧例治罪。該管上司。不稽

察揭報者。照狗庇例議處。○乾隆元年覆準。滿洲副都統。原有親隨兵三名。蒙古漢軍副都統。原有二名。前鋒護軍驍騎各叅領。原有一名。今各酌增一名。前鋒護軍驍騎各副叅領。前鋒侍衛。原有一名。今各酌增半名。內府三旗叅領等。照例給以親隨兵。以上各官。所得親隨兵。每名月給銀三兩。米一石。至八旗佐領。並內府三旗佐領。令於本佐領額兵數內。各賞給一名。以為養贍之資。其文職。如尚書侍郎等官。兼管都統副都統事者。準其兼支都統副都統親隨兵銀

米郎中等官兼叅佐領者。準兼支叅佐領親隨兵銀米。都統副都統及叅領兼佐領者。不支佐領親隨兵銀米。賞都統銜有職事者。照漢軍都統等官支親隨兵銀米。其止賞空銜不辦事者。不準給。額外都統副都統叅領副叅領等辦事者。照額設官支給。不辦事者不準給。世爵男以上。已有親隨兵。若兼都統副都統叅佐領職任者。止給原官親隨兵銀米。不得重支。出差在外。無養廉者準支。有養廉者不準給。

一綠旗營武職親丁名糧。康熙四十二年議準。

提督給八十名。總兵官六十名。副將三十名。叅將二十名。游擊十有五名。都司十名。守備八名。千總五名。把總四名。均給與糧餉。此外有將使令家人。溷充兵額者。嚴叅議處。○雍正六年奉

旨。康熙四十二年定例。自提督以至千把總。各給親丁名糧。以為養贍家口僕從之需。外此則不許一名虛冒。夫有一武弁。即有親丁。此項名糧。理應前後官弁接受者。嗣後武職去任之時。即將親丁名糧停扣。不必募補。留與接任之人。○八年奉

旨。近聞武職各官。若有外遷事故者。於離任之日。即將

親丁名糧。按數開除。其任支銀米。歸作截曠項下。彙報充餉。俟新任到日。方許申報起支。朕思署事之人。由此蒞彼。不無往來車馬食用之費。且各營署事。多係部發候補試用之人。並無俸薪等項。應為籌畫養贍之道。嗣後武職去任之時。其親丁名糧。照舊存留。不必歸入截曠項下。其署事係候補試用者。準其全行支給。若係見任兼理者。準支一半。將一半留於本營。以為修葺衙署增修什物之費。如有動用之處。每季造具文冊。申報該管上司察覈。○又奉旨。提鎮以至千把總。已給親丁名糧。以資養贍。今各省

增設外委千把。尚未議及其所辦者千把總之事。而所食者仍止本身一分馬糧。一應費用。實有不敷。著將外委千把總。每人給與步糧一分。即令其子弟家人頂食。以資養贍。倘有仍借辦公名色。扣剋兵餉。滋擾地方者。著該管官即行揭報指叅。○十一年議準。武職應得親丁名糧。各按本地營伍。將馬步守均勻配搭支食。如係馬步兼設之營。馬步各半。未設步者。以一馬抵二步。馬糧數多。或馬八步二。或馬七步三。或馬六步四。止設步守。與馬糧甚少者。以二步抵一馬。止設守糧者。或二守抵

一馬。或三守抵一馬。或三守抵二步。若於額定名糧之外多占者。革職。該管上司不稽察揭報者。降三級調用。○又奏準。管轄綠旗官兵之京口。福州。廣州。將軍。各給親丁名糧百分。京口。廣州。副都統。各給親丁名糧五十分。福州。副都統。四十分。○乾隆三年議準。武職親丁名糧。原有額數。至署任如何支食。宜定條例。如出師各官。其名糧仍照本任全支。所有署事之人。係候補試用者。酌量議減。署副將者。減去十分。給與二十分。署叅將者。減去八分。給與十二分。署游擊

者。減去五分。給與十分。署都司者。減去二分。給與八分。署守備者。減去二分。給與六分。保題引見各官。不無往來車馬之費。準支本任名糧一半。其一半扣存造報。所有署事係候補試用之人。亦按所署之任酌減。其見任兼理。并遞行委署出師引

見各員闕者。原有本任名糧。應支本任應得之數。至升遷事故各官。額設名糧。並無人支。所有署事係候補試用之人。準照署任全支。係見任遞行委署者。亦照所署之任全支。其最後委署之人。

係見任兼理則於本任內全支。署任內支一半。其一半扣存造報。若係候補試用之人。準其照數全支。○八年

諭。國家體卹臣工。文武皆屬一體。文職則給養廉。武職則給親丁名糧。以資養贍。自康熙四十二年。部議由提鎮以及千把。覈定數目之後。復於雍正六年內。特奉

皇考上諭。令武職去任之時。將名糧停扣。不必募補。即留與接任之人。所以體卹之者。更爲周至。是以武職親丁。雖年年造冊。究係虛名。開載實無其人。名

實不符。衆所共知。朕思既爲武職養廉。即應改爲養廉名糧。將親丁姓名裁去。毋庸虛造冊籍。其各省武職親丁名糧。向來如何分別多寡。今如何定例之處。該部議奏。欽此。遵

旨。議準。各省兵丁。額設馬步守。多寡不齊。其支食名糧。各按額設之兵。均勻搭配。是以不能一致。至從前造報兵馬冊籍。皆將親丁名糧開造虛名。原屬名實不符。嗣後遵

旨。改爲養廉名糧造報。其外委千把。例給隨糧一分。亦歸入養廉名糧項下。一體造報。○又議準。武

職親丁名糧。與文職之養廉無異。文職如遇降
革留任。養廉並不任支。至武職降革留任者。止
給薪蔬馬料等項。其名糧竟不準給。辦公未免
拮据。嗣後大小武職官降革留任者。照文職降
革留任支食養廉之例。準其支食名糧。○十五
年議準。扣存一半名糧。原為修葺衙署。增備什
物之用。嗣後官弁升遷離任時。將每年動用。及
存剩各數。造冊交與新任。仍申報該管上司察
覈。於年底彙冊報部。至衙署有無修葺。并增補
什物等項。見存若干。亦分晰造冊。與接任官明

白交代

Large stylized watermark or seal impression, possibly containing the characters '國子監' (Guozijian) in seal script.



